

 Андижон вилояти ҳокимлиги расмий портали

Касб байрамингиз муборак бўлсин, жонкуяр шифокорлар!



Мустақилликнинг дастлабки кунлариданоқ мамлакатимизда халқимиз соғлиғини мустаҳкамлаш, айниқса, оналик ва болаликни муҳофаза қилиш, жисмонан соғлом ҳамда маънан баркамол авлодни вояга етказиш масаласига устувор вазифа сифатида эътибор қаратиб келинмоқда.

Зеро, соғлом халқ, соғлом миллатгина буюк ишларга қодир бўла олади.

Бугун эзгу мақсадлар сари дадил одимлаб борар эканмиз соғлиқни сақлаш тизимида ҳам чуқур ислохотлар амалга оширилаётганини гувоҳи бўламиз. Хусусан, Андижон вилоятида бирламчи тиббий санитария ёрдамни кўрсатувчи қишлоқ врачлик пунктлари, туман ва шаҳар тиббиёт бирлашмалари, вилоят кўп тармоқли тиббиёт марказларидан тортиб, то юқори технологияли тиббий хизмат кўрсатувчи ихтисослаштирилган тиббиёт марказларигача — барча даражаларни камраб олган аҳолига тиббий ёрдам кўрсатишнинг яхлит ва мукамал ташкилий тузилмаси айнан шу мақсадга хизмат қилиб келмоқда.

Республикаимизда ҳар йили ноябрь ойининг иккинчи яшанбаси “Тиббиёт ходимлари куни” деб эълон қилинган. Шу муносабат билан, вилоятимиз соғлиқни сақлаш соҳасида фидокорона меҳнат қилаётган барча шифокорларимизни Андижон вилояти ҳокими Шухратбек Абдурахмонов номидан табриклаймиз.

Энгига оқ либос кийиб, халқимизга ҳам руҳий, ҳам жисмоний соғлиқ улашувчи саломатлик посбонларини масъулиятли ва шарафли вазифаларида улкан зафарлар тилаймиз.

Касб байрамингиз, муборак бўлсин!

Андижон вилоят ҳокимлиги

Матбуот хизмати

www.andijan.uz

[Facebook](#) | [Twitter](#) | [Instagram](#) | [YouTube](#) | [Telegram](#)